



Instrucións de 12 febreiro de 2015 da Secretaría Xeral de Universidades sobre a aplicación de determinados preceptos do Decreto 222/2011, do 2 de decembro, aos títulos universitarios oficiais con validez en todo o territorio nacional que se imparten no Sistema Universitario de Galicia

No DOG do 9 de decembro de 2011 foi publicado o Decreto 222/2011, do 2 de decembro, polo que se regulan as ensinanzas universitarias oficiais na Comunidade Autónoma de Galicia.

A aplicación da antedita norma e a experiencia acumulada dende a súa entrada en vigor requieren, previo consenso acordado entre os representantes das tres universidades galegas e a Secretaría Xeral de Universidades, en xuntanza mantida do 29 de xaneiro de 2014, proceder á súa adaptación ás necesidades do Sistema Universitario de Galicia.

As modificacións propostas céntranse en puntos concretos do decreto cuxa aplicación conlevou algunha dificultade.

En primeiro lugar, a aplicación do requisito dunha demanda mínima nas titulacións oficiais para poder ser impartidas polas universidades. Trátase, por unha banda, de axeitar os efectos do cómputo do número mínimo de estudiantes de novo ingreso e, por outra, de exceptuar deste cómputo aquelas outras ensinanzas afectadas por especiais características.

En segundo lugar e polo que respecta ao inicio dos prazos de tramitación de expedientes, o Real Decreto 412/2014, de 6 de xuño, polo que se establece a normativa básica dos procedementos de admisión ás ensinanzas universitarias oficiais de grao, determina no punto 2 do artigo 7 que “...antes do 30 de abril de cada ano, a Conferencia General de Política Universitaria fará público o número máximo de prazas que para cada titulación e centro ofrecen cada unha das universidades públicas para o seguinte curso académico...”; así mesmo o Acordo de Protocolo de boas prácticas no proceso de establecemento da oferta de prazas e titulacións, comunicado polo Ministerio de Educación, Cultura e Deporte o 9 de maio de 2014, puntualiza que para a fixación da oferta á Conferencia General de Política Universitaria soamente se terán en conta as titulacións de grao e máster que teñan rematado o proceso de verificación nese momento.



A vista das modificacións introducidas polas mencionadas disposicións, a Secretaria Xeral de Universidades considera necesario ditar as seguintes instrucións:

PRIMEIRA.- No caso de ensinanzas de **grafo** impartidas no SUG, cuxos planos de estudio sexan coincidentes nun mínimo de **90 ETCS nos dous primeiros cursos**, e compartan a organización docente deses cursos, en grupos teóricos e prácticos, computaranse conxuntamente os/as estudiantes de novo ingreso para os efectos do establecido no artigo 6 do Decreto 222/2011 do de decembro.

SEGUNDA.- Cando un **máster** universitario non acade o número mínimo de alumnos/as de novo ingreso, establecido no artigo 6 do Decreto 222/2011, **poderá impartirse** nese curso académico pero non se ofertará para o curso inmediatamente posterior. A universidade procederá, no seu caso, á modificación do plano de estudos, seguindo o procedemento establecido no Capítulo III do Decreto 222/2011 e demais normativa de aplicación.

TERCEIRA.- Quedarán exceptuados do cumprimento do requisito establecido no artigo 6 do Decreto 222/2011 as ensinanzas universitarias oficiais de máster universitario:

- **vinculadas** a Programas Erasmus Mundus ou Programas Tempus Rethinke,
- que **habiliten** para o exercicio dunha profesión regulada en España,
- **vinculadas** a profesións reguladas ou asimiladas,

segundo o establecido na normativa estatal e europea aplicable.

Do mesmo xeito quedarán exceptuadas aquelas ensinanzas de máster que:

- sexan **únicas** no centro universitario no que se imparten,
- nas que a **media do número de alumnos** de novo ingreso durante os 3 últimos cursos sexa igual ou superior aos 20 alumnos.

CUARTA.- Cando se trate de **Máster Conxuntos (máster Interuniversitarios)** e aos efectos de considerar o requisito do número de alumnos de novo ingreso establecido no artigo 6 do Decreto 222/2011, se computarán todos os alumnos matriculados en cada unha das universidades de impartición.



QUINTA.- Considerarase **Máster universitario con convenio de dobre titulación con universidades estranxeiras** aquel que previa sinatura do correspondente convenio, permita aos alumnos dunha universidade do SUG cursar determinados créditos de titulacións de máster nunha universidade estranxeira, coa opción de obter a titulación expedida por aquela. Esta opción debe completarse, así mesmo e en réxime de reciprocidade, para os alumnos das universidades estranxeiras de que se trate. Deste xeito e para os efectos do cumprimento do artigo 6 do Decreto 222/2011, computarase convxuntamente o alumnado das titulacións afectadas que estean matriculados en créditos de ambas titulacións agás cando a dita titulación se imparta nun campus periférico.

SEXTA.- No caso de **Programas de Simultaneidade** de titulacións universitarias oficiais, a universidade deberá remitir a Secretaría Xeral de Universidades a planificación docente, así como as previsións de recursos humanos e materiais necesarios para atender a dita oferta cos niveis de calidade esixibles.

SETIMA.- As universidades, para aquellas titulacións, que de acordo cos prazos regulados na **Renovación de Acreditación** deban someterse a este procedemento non poderán someterse a procedementos de modificación ou reverificación.

OITAVA.- Para as titulacións que obteñan informe previo desfavorable de envío a verificación emitido pola Secretaría Xeral de Universidades, a universidade **sufragará o custo** correspondente ao procedemento de verificación, no caso de que esta decida continuar coa súa tramitación de solicitude do informe á ACSUG.

NOVENA.- Tendo en conta as previsións contidas no citado Real Decreto 412/2014 en relación co disposto no *Protocolo de boas prácticas no proceso de establecemento da oferta de prazas e titulacións*, faise necesario adaptar os prazos previstos no Capítulo III do Decreto 222/2011 no senso seguinte:

- **1 de agosto:** data límite de presentación na Secretaría Xeral de Universidades de propostas de solicitude de autorización de envío a verificación e/ou modificación de planos de estudio por parte das universidades do SUG, nas que constará a totalidade da documentación relacionada no artigo 5 da Orde do 20 de marzo de 2012 pola que se desenvolve o Decreto 222/2011.



- **15 de outubro:** data límite de emisión por parte da Secretaría Xeral de Universidades do informe previo de envío a verificación e/ou modificación de titulacións.
- **15 de novembro:** data límite de incorporación das memorias dos títulos na sede electrónica e remisión da documentación por parte das universidades do SUG ao Ministerio de Educación, Cultura e Deporte.
- **15 de marzo:** data límite de emisión do informe final de verificación e/ou modificación de titulacións por parte da ACSUG.
- **30 de abril:** data límite para a publicación pola CGPU da oferta de prazas para o curso inmediatamente posterior, na que só incluiranse as titulacións que teñan rematado o procedemento de verificación.
- **31 de xullo:** data límite para a publicación da orde de autorización de impartición pola consellería competente en materia de ensino universitario.

DÉCIMA.- No caso de ensinanzas impartidas en Galicia por un centro adscrito a unha universidade non pertencente ao SUG, estarase ao establecido na lexislación estatal e/ou autonómica aplicable á universidade responsable do título, para os efectos do requisito de demanda dos estudos.

Santiago de Compostela, 12 de febreiro de 2015

O secretario xeral de Universidades

José Alberto Díez de Castro